

Paulunê papia namataña gêdên **TIMOTE**

Timote tau nec en ñac buña matac ten anja Asia Saun. Têna Judao ma tama Helen. En gêwiñ Paulu ma kêpuc en êôn kêtú kom mêtêña samob jakêsap en tôñ ñañêngosu.

Paulunê papia namataña gêdên Timote nec gêc tau keto kêwaka bin ñatêna têlêac sa. (1) Paulu gêjam la Timote gebe ejop tau êndên mêtêgeo, tañ gêôn sa anja gôlôac buña tau ñalêlom gêwiñ nan. Mêtêgeo tonañ ñai ñam kêsêp lau ñagêdô sêgaluñ kauç jaba anja lau Juda to lau samuc nêñ kêsêp taulêlôm. Lau seboc lau ten sênam taun kêsi sêngôm naêtôm atom, sêjala gêñ, tê ñam kêsin tau gêc lêlôm en nê, êwiñ acgom. Ac tec sêsôm lau sênam dabuñ gêñ taniña ñagêdô ma sêjac jao lauo to ñac sênam taunña atom. (2) Go Paulu keto bin tanam jaom gôlôacña ma om ñasakin ñagolin ñagêdô gêwiñ. En gêwa kômwaga gôlôacña nêñ ñalêlôm to nêñ gam sa. (3) Gocgo gêlên bin Timote gebe ênac dabin tau êtu Jesu Kilisi nê sakinwaga mansañ ñajam ten. Ma gêwa ênê kôm, tañ gêjac en ñawae gebe ênam êndên lau buña ñagêdô êndên-êndêngeñ nan, ñam sa amboac tañ.

Ñadênan

1. Paulu gêjac m papia tau 1:1-2
2. Gôlôac dabuñ tau to gakolegwaga nêñ kôm ñagôlin 1:3-3:16
3. Timote tau nê kôm to ñagôlin 4:1-6:21

Paulu gêjac m nê papia

¹ Kilisi Jesu nê aposolo aê, Paulu, tec aêacnêñ kêsiwaga Anôtô agêc Kilisi Jesu, tañ takêñ maten enj tamoa nan, kêjatu aê,

² tec kato ñoc papia tonec gêdêñ aôm, Timote. Aôm kôtu aê latuc kêtú kôkêñ gêwiñña. Tamenji Anôtô agêc aêacnêñ Apômtau Kilisi Jesu nêñ moasin to taêñ walô ma biñmalô êndêñ aôm êwac.

Ojop taôm êndêñ mêtê geo

³ Gêdêñ tañ aê gaja Makedonia nan, kasakin aôm gebe ôngôn Epese ma ôsôm êndêñ lau ñagêdô gebe sênam mêtê tenj eo atom.

⁴ Ôsôm êndêñ êsêac gebe sêwi miñ lanğwa ñaôma-ñaôma to nêñ abenji to dêbuñi nêñ ñaê ñadênanj sêpuc tañ ñamña sinj. Biñ tonan oc anğôm biñ êlênsôn elêmê ma anam lau tenj sa êtu sêkêñ awiñ Anô tônja atom.

⁵ Ñagôlinj tañ aôm kôkêñ gêdêñ êsêac nan, ñamanô tau tonec gebe têtmac êwiñ ñanô, tañ ñam kêsêp ñalêlôm ñawa to ñalêlôm ñañêñ ma akêñ êwiñ ñakêñkêñ ñajam tonêm ñalêlôm makenjenj.

⁶ Lau ñagêdô sêwi lêñ tonan sinj ma sêlênsôn tañ sêsôm biñ agwa-agwa ñaôma.

⁷ Êsêac seboç têdôn Anôtônê biñsu, mago sêjam kauc biñ, tañ sêsôm to biñgalôm, tañ sêjam sêmoa nan ñam.

⁸ Aêac tec tajala gebe Anôtônê biñsuanô embe tamansan ñapep, oc gêñ ñajam samucgenj.

⁹ Aêac tajala tonec gêwiñ gebe sêmasan biñsu kêtú lau gêdêñña atom. Biñsu tau mênkêsa kêtú lau, tañ sêgôm gêñ wauc-waucgenj to tañenpêc ma dedec Anôtô to sêgôm sec, sêlic gêñ tenj kêtú nêñ

gêñ dabuñ atom, sêsôm biñ alôb-alôb ñawaô, sêjac tenenji to tamenji ma ñamalac êndu nanña.

¹⁰ Biñsu tonañ mênkêsa kêtú lau mockainjo to mockainña ma ñacwaga, tañ sêkwalec tauñña, ma kêtú êsêac, tañ têtulu ñamalac têtú gêñômaña to lau dansañ ma êsêac, tañ têtôc lemen, mago sêsau nanña, ma kêtú êsêac, tañ sêgôm gêñ ñagêdô samob, tañ gesenj mêtê ñajam suna nan.

¹¹ Biñ tonañ gêc ñawae ñajam, tañ Anôtô kékênj gêdênj aê gebe jasôm lasênja. Ñawae ñajam tonec gêwa Anôtô, tañ awenj gêôc enj nan, nê ñawasi sa.

Paulu gêjam danje Anôtô kêtú taê walô enja

¹² Aê gajam danje aêacnênj Apômtau Kilisi Jesu, tañ kêpuc aê tônj ma gêlic aê katôm gebe janam sakinj enj nan, tec kékênj kôm gêdênj aê.

¹³ Gêmunjenj tec aê kasôm biñ alôb-alôb kêpi Jesu ma kêjanda enj to kalêsu gôlôac dabuñ. Mago Anôtô taê walô aê, gebe kakênj gêwiñ mêtê atom tagenj ma gajam kauc gêñ, tañ gagôm nan.

¹⁴ Aêacnênj Apômtau kêsêwa nê moasinj kêpi aê ma kékênj aê kakênj gêwiñ to têtac gêwiñ ñanô, tañ ñawakac kêsêp Kilisi Jesu tau nan.

¹⁵ Biñ tonec tec ñanô, ñamalac samob sêkênj êwiñ acgommanj, gebe Kilisi Jesu gêmênj nom gebe ênam lau sec kêsi. Ma aê tec katu lau sec tau nêñ ñac ñamata.

¹⁶ Kêtú biñ tonanña Anôtô taê walô aê gebe Kilisi Jesu êwa nê lênj ê ñamalacnênj biñ tônia sa êpi aê êtu ñamata e jatu lau, tañ oc sêkênj êwi ñ enj ma sêngônj matenj jali tenjenj nan, nêñ ñadônjônj.

¹⁷ Anôtô taugenj kêtú têm samob ñakinj. Enj gêmoa tenjenj ma ñamalac tenj mataanô gêlic enj atom. Enj

taugenj kêtû Anôtô. Lanem to ñawasi êndênj enj êtôm têm totêmgenj. Biññanô.

¹⁸ Latucenec Timote, aê kakênj ñagôlinj tonanj gêdênj aôm gebe ojop. Biñ tonanj seoc lasê kêpi aôm gebe êpuc aôm tôñ ma ônac sinj ñajam.

¹⁹ Ôkênj êwiñ tonêm ñalêlôm ñañênjenj. Lau ñagêdô sêwê biñ tonanj auc ma sêkênj gêwiñ atom, tec têtû lau gêbac.

²⁰ Lau tau nêñ ñagêdô tonec Humenai agêc Alesandere. Aê kakênj êsêagêc sêsêp Sadanj lêma gebe êndônj êsêagêc e sêsôm biñ alôb-alôb êtiam atom.

2

Biñ tatenj mecña

¹ Amboac tonanj aê jalênj biñ amac gebe anjôm gênj tonec êtû ñamatagenj acgom gebe atenj nêñ gênj êndênj Anôtô to atenj mec ma taêm ênam nêñ lau êsap nêñ mec ñalêlôm to anam danje êtû ñamalac samobña.

² Atenj mec êtû kinj to gôlinjwaga samobña, gebe tamoanênj ñajam to danjônj tomalô, ma danjôm nêñ gênj tasa Anôtônê lênj to tamansanj gênj samob ñapep.

³ Biñ tonanj gêjac aêacnênj kêsiwaga Anôtô mataanô ñajam ma gêlic jagêdênj.

⁴ Ñac tau tonanj gebe ênam ñamalac samob kêsi ma gebe êkênj êsêac sêjala biññanô tau,

⁵ gebe Anôtô tagenj tec gêmoa, ma sêlinjwaga tagenj tec gêmoa Anôtô to ñamalac ñasawa. Sêlinjwaga tau ñamalac Kilisi Jesu,

⁶ tañ kékêñ tau gêjac da lau pebeñ. Biñ tonañ gêwa sa gêdêñ ñanoc gebe Anôtô gebe ênam ñamalac samob kêsi.

⁷ Anôtô kékêñ aê katu ñacjaeñ to aposolo ma lau samuc nêñ kêdôñwaga gebe jasôm lêñ takêñ gêwiñña to biññanô tau lasê êndêñ êsêac. Aê kasôm biññanô, kasau atom.

⁸ Aê gabe ñacwaga teten mec êtôm gamêñ samobgeñ. Êsêac embe sêlam lemeñ dabuñ, go têtac ñandan to têtac lulu atom.

⁹ Ma biñ tonec êpi lauo amboac tonanjen, gebe sêmansañ taun ñapep ma majen taun êtu gêñ secña ma sênam gêlôñ taun tokaucgeñ. Êsêac sêmac poac ma sêkôc gold to kékôm ma sêsô ñakwê tonjôli kapôêñ-kapôêñ atom.

¹⁰ Êsêac sênam gêlôñ taun ña kôm ñajamgeñ, tec êwa êsêac sa gebe têtôm lauo, tañ têtêc Anôtô nan.

¹¹ Lauo sênam taun tôngeñ to sêkônij taun, go sêñô biñ e êtu tañ êsêac.

¹² Aê jalôc gebe lauo têndôñ lau to têtú ñacwaganêñ ñatauo nec atom. Êsêac sêmoa sênam taun tôngeñ.

¹³ Anôtô kékêñ Adam kêtú ñamata acgom, go kékêñ Ewa kêdaguc.

¹⁴ Ma Adam kékêñ gêwiñ biñdansañ atom, awê tec kékêñ gêwiñ e kégêli biñsu.

¹⁵ Lauo embe sêsap sêkêñ gêwiñ to têtac gêwiñ tôñ ma sêsa nêñ lêñ sênam dabuñ taun tokaucgeñ ma embe sêkôc ñapalê, go Anôtô ênam êsêac kêsi.

3

Gôlôac dabuñ nêñ laumata nêñ ñagôlin

¹ Biñ tonec biñ ñanô gebe ñac ten embe taê êka gebe êtu gôlôac dabuñ ñagejobwaga, nan nê ñalêlôm êkac en êtu kôm ñajam tenña.

² Gejobwaga tonañ talic en ñac mansañ samucgen, ênam awê tagen ma êmoa tokauc ñawagen. En êsa nê lêñ tokauc ma katôgen. En êngôm ja lau samob ma en êtôm gebe êndôn launja.

³ Ênôm gêñ anaboa atom to lêma ênac sin ñawaô atom. En ñac malô to ñac wama. En têtac gamiñ atom.

⁴ En ênam gôliñ tau nê gôlôac ñapep e nê ñapalêo to ñac tetoc en sa totañen wamugen.

⁵ Ñac ten embe ênam gôliñ tau nê gôlôac êtôm atom, oc ejop Anôtônê gôlôac amboac ondocgen.

⁶ Akêñ ñac, tan kêtú ñac buña dambêgen nan, êtu gejobwaga atom, gebe en oc etoc tau sa e mêtôc, tan kêtap Sadan sa nan, êpi en amboac tonañ.

⁷ Akêñ ñac, tan lau sêmoa jaêc gôlôacña sêsôm en wae ñajam nanjen, gebe sêmbu en atom to Sadanê lip ênac en atom.

Sakiñwaga gôlôac dabuñña nêñ ñagôliñ

⁸ Sakiñwaga gôlôac dabuñña amboac tonañ. Êsêac lau wapac, imbelen pap atom, sênôm wain anaboa atom ma sêwê launêñ gêñ auc atom.

⁹ Biññanô tan êsêac sêkêñ gêwiñ nan, sêkam tôñ ña nêñ ñalêlôm ñawa.

¹⁰ Ansaê lau tonañ êmuñ acgom. Embe alic êsêac têtôm, go sênam sakiñ gôlôac.

¹¹ Êsêacnêñ lauo amboac tonañen. Êsêac lauo wapac, sênga biñ atom, sêmoa tokauc ñawagen ma sêngôm nêñ gêñ samob ñañêñen.

¹² Sakinwaga gôlôac dabun̄ḡa sênam awê tagen̄-tagen̄ ma sênam gôlin̄ nêḡ ḡapalêo to ḡac ma nêḡ gôlôac ḡapep.

¹³ Êsêac taḡ sêjam sakin̄ nêḡ gôlôac ḡapep nan̄, oc nêḡ sakin̄ etoc êsêac sa ma sêkêḡ êwin̄ Kilisi Jesu totêntac êpa sugen̄.

Anôtônê mêtê ḡabin̄ ḡalêlômḡa

¹⁴ Bin̄ tonan̄ kato gêdêḡ aôm ma taêc kêka gebe jandêḡ aôm jawac seben̄.

¹⁵ Mago gêḡ teḡ embe ênam aê tôḡ, go papia tonec êwa bin̄ sa êndêḡ aôm e ôjala lêḡ ômoa Anôtônê andun̄a ḡam. Anôtônê andu tau Anôtô mata jali nê gôlôac, taḡ kêtû bin̄ḡanô ḡaalê to ḡasen̄ḡ.

¹⁶ Bin̄ḡanôgoc, Anôtônê mêtê, taḡ kêsin̄ tau kêsêḡ lêlômḡen̄ nan̄ kapôêḡanô.

En̄ geoc tau lasê kêtû ḡamalac.

ḡalau Dabun̄ gêwa en̄ sa gebe en̄ ḡac gêdêḡ.

Aḡela sêlic en̄.

Sêjam ênê mêtê gêdêḡ lau samuc.

Lau nomḡa sêkêḡ gêwin̄ en̄.

Anôtô kêsip en̄ sa ton̄awasigen̄.

4

Bin̄ kêpi kêdôn̄waga dansan̄

¹ ḡalau Dabun̄ gêwa sa kwanan̄ḡen̄ e gêc awêḡen̄ gebe êndêḡ têm ḡamuḡa lau ḡagêdô oc sêkac taun̄ su aḡḡa sêkêḡ gêwin̄ ḡanôḡa nasêsap ḡalau dansan̄ḡa tôḡ to sêkôc ḡalau sec nêḡ mêtê sa.

² ḡalau sec tonan̄ sêjam ḡamalac dansan̄ lan̄ôn̄, taḡ sêsau lau. Êsêacnêḡ ḡalêlôm kêtôm ja kêpac gêḡ kêtû matê.

³ Êsêac tonañ sêjac jao gebe ñacwaga sênam awê atom ma lauo sênam ñac atom. Ma êsêac sêkac ñamalac gebe sêngaminñ taunñ êndênñ gênñ taniñña ñagêdô. Mago Anôtô kêkênñ gênñ taniñña tonañ gebe aêac lau takênñ gêwiñ to tajala biññanônña takôc sa todanğegenñ.

⁴ Gênñ totau-totau samob, tañ Anôtô kêkênñ nanñ, tau ñajam. Amboac tonañ takôc gênñ tonañ ñai samob sa todanğegenñ ma dambu teñ atom,

⁵ gebe Anôtônê biñ to mec gêgôm gênñ tau kêtü dabunğac.

Kilisi Jesu nê sakinwaga ñajam

⁶ Aôm embe ôwa biñ tonañ sa êndênñ lasitêwai, oc ôtu Kilisi Jesu nê sakinwaga ñajam, gebe takênñ gêwiñ ñabinñ to mêtê ñajam, tañ kôdaguc nanñ, kêtü nêmo mo gêlôm aômña.

⁷ Mago miñ alôb-alôb to lauo ñanô nêñ biñ ole nanñ ômasuc. Ôsa Anôtônê lênñ ônsaê-ônsaê e êtu tônñ aôm.

⁸ Embe tansaê gebe tatu mêtê ôlingenñ, oc ênam aêac sa ñanô atom. Mago embe tasa Anôtônê lênñ, oc ênam aêac sa êtu gênñ samobña. Anôtô gêjac mata gebe ênam aêac sa êndênñ têm tamoamatenñ jali anğa nomña to êndênñ têm danğônñ matenñ jali anğa ônênña amboac tonanğenñ.

⁹ Biñ tonañ ñanô to gêdênñ kêtôm gebe ñamalac samob sêkôc sanğa.

¹⁰ Kêtü mêtê tonanğña aêac tajam kolenñ tosinğenñ gebe aêac takênñ matenñ Anôtô mata jali, tañ kêtü ñamalac samob nêñ kêsiwaga, mago kêtü aêac lautakênñ-gêwiñwaga nêñ kêtü ñamata.

¹¹ Ôjatu biñ tonañ ma ôndônñ lau gebe sêmansañ.

¹² Lau teŋ laŋôŋ elo aôm êtu aôm ŋac matacŋa atom. Aôm nê m biŋ to nê m lêŋ ma têtac gêwiŋ to kôkêŋ gêwiŋ ŋanô ma nê m ŋalêlôm ŋawa êtu ŋadôŋdôŋ êndêŋ lau-sêkêŋ-gêwiŋwaga.

¹³ Ôsam mêtê lasê to ôiêŋ biŋ gôlôac ma ôndôŋ lau tau ômoa e tauc jawac acgom.

¹⁴ Ôim Anôtônê moasiŋ, taŋ gêc ŋalêlôm naŋ, su atom. Moasiŋ tau gelom aôm gêdêŋ taŋ seoc Anôtônê biŋ lasê gêdêŋ aôm ma gôlôac dabuŋ nêŋ laumata sêu lemeŋ gêsac aôm naŋ.

¹⁵ Biŋ tonari taêm ênam ma biŋ tonari ênam gôliŋ nê m lêŋ, gebe lau samob sêlic aôm nê m kôm esewec.

¹⁶ Ojop taôm to mêtê, taŋ kôdôŋ gômoa naŋ ŋapep. Ôsap tôŋgeŋ. Ôŋgôm tonari, ec ênam aôm taôm to êsêac, taŋ sêŋô aôm nê m biŋ naŋ sa.

5

Timote ênam sakiŋ to ejop nê lau ŋapep

¹ Ônsaic biŋ ŋamalacanô teŋ atom, ôlêŋ biŋ eŋ amboac tamam. Ma lau wakuc naŋ ôlic êsêac amboac lasimi.

² Lauo ŋanô naŋ ôiêŋ biŋ êsêac amboac tênam, ma lauo wakuc amboac latômio tonê m ŋalêlôm ŋawageŋ.

³ Awêtuc embe awêtuc ŋanôgeŋ, naŋgo otoc êsêac sa.

⁴ Ma awêtuc teŋ embe nê gôlôac to dêbui sêmoa, naŋ sênam eŋ sa êjô moasiŋ taŋ teneŋi to tameŋi sêkêŋ gêdêŋ êsêac naŋ. Sêŋgôm amboac tonari, ec ênac Anôtô mataanô ŋajam.

5 Ma embe awêruc ñanô, tañ taugen êmoa nan, oc êkêñ mata Anôtôgen ma êsap mec tôñ ma eten Anôtô êtôm êmbêc to elenjen.

6 Ma awêruc ten embe êsa nê lêt taê ênam tau ôligen, nan talic en mata jali, mago gêmâc êndugac.

7 Ônac binjsu êsêac gebe sêmoa tobin masigen.

8 Ñac ten embe ejop tau nê lau to êmoasin tau nê lasitêwai atom, oc ensen bin takêñ gêwiñja su. En êtu ñac sec êlêlêc lau-sêkêñ-gêwiñ-atomwaga su.

9 Oto awêruc ten nê ñaê êsêp awêrucnêñ ñaêmôkê paliñ-paliñjen atom. Awêruc tañ nê jala kêtû 60 su ma gêjam ñac tagen nanjen nê ñaê êsêp.

10 Ênê wae gêjam kôm ñajamña ênêc amboac tonanjen. En embe êlôm nê gôlôac ñapep, êngôm ja lau, êkwasiñ Anôtônê lau enkain, ênam lau sêngôn jageonja sa to êpuc gêñ ñajam samob ñam, nanjo nê ñaê êsêp ñaêmôkê.

11 Oto awêruc wakuc nêñ ñaê êsêp ñaêmôkê atom, gebe êsêac oc taên ênam bin ñacña ma ôlin ñakam êsa êndên Kilisi.

12 Lauo tonan ñai oc sêsap nêñ bin, tañ sêmoatin kêtû ñamata nan, tulu e sêmoa tobinjen.

13 Lauo amboac tonan têtôn taun gebe sênam ojom ma sênac laoc launên andugen. Ma sêjam ojomgen atom, awenjsun ñakasop-kasop ma sêlênsôn lau ñagêdô nêñ bin to sêsôm bin, tañ têtôm atom gebe sêsôm nan.

14 Amboac tonan aê gabe awêruc wakuc sênam ñac êtiam, ec sêkôc ñapalê ma sêmansañ nêñ andu ñapep. Sêngôm amboac tonan, gebe ñacjo êmbu aêac êtu lêt keso tenja atom.

15 Awêtuc tau ñagêdô tec sêkac tauñ su ma sêsap Sadañ tònğac.

16 Awêtuc ñagêdô embe sênğôn sêwiñ nêñ awê kêkêñ gêwiñña teñ, go awê tau ênam êsêac sa, gebe êkêñ wapac êndêñ gôlôac atom. Go gôlôac dabun têtôm gebe sênam awêtuc sawaanô sa.

17 Atôc gôlôacnêñ laumata, tañ sêjam jaom nêñ gôlôac ñapep nañ, sa êlêlêcmañ. Aê kasôm biñ kêpi êsêac, tañ sêjam mêtê to têdôn lau sim tauñ sugen nañ.

18 Amac ajala gebe teto gêc gebe “Ôkic bulimakao, tañ kêka mopolom gêmoa nañ, awasun auc atom.” Ma biñ teñ gêc gêwiñ gebe “Kolenwaganê kôm ñaôli gêjac eñ ñawaegoc.”

19 Biñ teñ embe êpi laumata teñ, nañ ôkêñ tañam sebeñ atom. Ñac luagêc me têlêac sêwa sa êtôm tau acgom, go ôkêñ êwiñ.

20 Lau tañ sênğôm sec nañ, ômêtôc êsêac anğa lau samob lañônêm gebe lau ñagêdô sêlic ma têtêc tauñ.

21 Aê kakô Anôtô agêc Kilisi Jesu to anğa, tañ Anôtô kêjaliñ êsêac sa nañ, lañônêm ma aoc gêjac aôm gebe Ojop ñagôliñ tonañ ñapep. Ômoasiñ ñac teñ êlêlêc ñac teñ su atom to taêm labu nêm ñac ôlim andañ taômña atom.

22 Ôkêñ lêmam ênsac ñac teñ gebe ônam mec eñ êtu sakiñ teñña sebeñ atom. Ma ôwê lau ñagêdô nêñ sec ñakain ôwiñ atom. Ojop taôm nêm ñalêlôm gebe ñawagen.

23 Ônôm bu ñaômagen atom, ônôm wain ñagec êwiñ êtu nêm têmtacwalô to gêmac gêgôm aôm elêmêña.

²⁴ Lau ñagêdô nêñ sec kêtú awê seben ma sec tau kêsêlêñ gêmun têm sêmêtoç êsêacña. Mago ñagêdô nêñ sec oc êtu awê êndanğucgen.

²⁵ Ma kolên ñajam kêtú awê amboac tonanğen. Ma ñagêdô embe êtu awê seben atom, oc êsinğ tau êtôm atom.

6

¹ Sakinğwaga samob tetoc nêñ ñataui sa ñapepğen, gebe bi ñ alôb-alôb êpi Anôtônê ñaê to mêtê atom.

² Sakinğwaga tañ nêñ ñataui sêkêñ gêwiñ nañ, taêñ êpa êsêac su gebe êsêacnêñ lasitêwai nec atom. Masi. Êsêac sênam sakinğ sênac ñawaegenğ gebe nêñ sakinğ oc êmoasiñ lau sêkêñ gêwiñña, tañ Anôtô têtac gêwiñ êsêac nañ.

Mêtê geo to awa ñanô

Binğ tonec ôndônğ to ôlêñ binğ gôlôac.

³ Ñac teñ embe êndônğ mêtê teñ eso mêtê tonanğ ma êsap aêacnêñ Apômtau Jesu Kilisi nê binğ ñajam to Anôtônê lêñ tônğ atom,

⁴ nañ oc etoc tau sa ñaômagenğ ma êjala binğ teñ atom. Lau amboac tonanğ nêñ ñalêlôm kêkac êsêac keso, tec awerğsunğ gêôc ka taunğ to sêsôm binğalom ñawaô. Binğ tonanğ kêtú têtac sec to kisa ma binğ alôb-alôb to sêga binğ sec ñamôkê.

⁵ Lau tonanğ sêjam binğalom ñawaô, mago nêñ kauc kêlênsônğ ma sêkac taunğ su anğa binğñanô tau e seboc Anôtônê lêñ kêtú intêna têtap awa sarğa teñ.

⁶ Binğñanô, lau embe sêsap Anôtônê lêñ tônğ to sêlic gêñ, tañ gêc êsêacña gebe kêtôm, nañ têtap awa ñanô tau sa su.

⁷ Aêac tamêñ nom tolemen sawagen ma oc dawi nom siñ tolemen sawagen amboac tonañ.

⁸ Embe tatap nêñ mo to nêñ ñakwê sa naêtôm aêac, nañ kêtôm.

⁹ Lau tañ taêñ kêka gebe têtù lau tolêlôm nañ, sêsêp lêtôm ñalelom ma têtac ñakalac meloc tokaiñ-tokaiñ, tañ enseñ êsêac su nañ, ñalakô êkô êsêac. Gêñ amboac tonañ ñai oc êmbam ñamalac e sêmbac sênaña.

¹⁰ Têtac gêwiñ awa kêtù sec samob ñawakac. Lau ñagêdô maten katu gêñ tonañ, tec sêjac jaê sêkêñ gêwiñ ma têtap nêñ kamoc to ñandan ñalêlômña taêsam sa.

Paulu kêpuc Timote tônia

¹¹ Anôtônê ñac aôm ôéc gêñ tonañ ñai samob su. Ôndançuc biñ gêdêñ ma ôsa Anôtônê lêñ to ôkêñ êwiñ mêtê ma têtac êwiñ lau to ôc gêñwapac totêmtac êpa sugen ma ômoa tonêm ñalêlôm malôgen.

¹² Ônac siñ ñajam êtu takêñ gêwiñña ma ôkam ôngôñ matam jali tengeñña tônia. Gêdêñ tañ kôsôm kôkêñ gêwiñ lasê lau taêsam sêñô nañ, Anôtô kêkalem aôm gebe ôngôñ matam jali.

¹³ Aê kakô Anôtô, tañ kêkêñ gêñ samob sêmoa maten jali nañ, agêc Kilisi Jesu, tañ kêsôm biññanô lasê gêdêñ Ponti Pilata nañ, lanôñnêm ma jajatu aôm gebe

¹⁴ Ômansañ biñsu ñapep sawa ômoa e aêacnêñ Apômtau Jesu Kilisi eoc tau lasê.

¹⁵ Êndêñ ñanoc acgom, go Natau tagen, kiñnêñ Kiñ to apômtaunêñ Apômtau, tañ awen gêôc en nañ, êngôm gêñ tonañ ñanô êsa.

16 En taugen êmac êndu atom, êmoa tengej. En gêmoa njawê, tañ njamalac tenj êsa njagala atom nan njalêlôm. Njamalac tenj gêlic enj su atom ma tenj kêtôm gebe oc êlic enja atom. Ênê wae êsa to ênê njajana ênêc tengej. Binjanô.

17 Ôjatu lau tolêlôm awa nom tonecja gebe tetoc taun sa atom. Êsêac sêkêj matej awa nomja njaôma atom, sêkêj matej Anôtô, tañ kêkêj gêj samob e kêlêsuc aêacgej gebe êngôm aêac têtac njam êsa.

18 Ojatu êsêac gebe sêmoasiñ lau to têtû lau tolêlôm kolej njamja. Êsêac sêmoa totêtac wapômgej to sênac sam nêj awa êndêj lau sêwê kaij sêwiñ.

19 Sêngôm amboac tonaj, go sênac nêj awa sa êtu têtû, tañ oc mênêsa nan, njamôkê njam gebe têtap sêngôn matej jali nanô sa.

20 O Timote, ojop gêj samob, tañ kêsêp aôm lêmam su nan. Ondec binj alôb-alôb njaôma to binj sêoc taun aucja, tañ sêsam gebe “Binj tokauc,” mago sêsau taun, binj tau binj tokauc atom.

21 Lau njagêdô sêkôc binj tokauc tonaj sa, mago seso binj takêj gêwiñja.

Moasiñ êndêj amac êwac.

BIBOLO DABUN
The Holy Bible in the Yabem language of Papua New Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 18 Apr 2025 from source files dated 31 Aug 2023

447e01c5-a375-5452-ae54-b3f890293eeb